

DISPUTATIO PHILOSOPHICA.

115.

Examinans quæstionem,

UTRUM SONVS CAMPANARVM IN-
gruentem tonitruum ac fulminum tempestatem, prui-
nas item, nec non spectra ac Diabolum, depel-
lere & abigere queat?

Quam

Εάν κύριος θελήσῃ καὶ ζήσωμεν,

Præfide

Viro Excellentissimo, Doctissimo,

D. GODEFREDO SPINÆO, L. A. M. Philoso-
phix, nec non Græcæ Lingux in Illustriss. Arnoldino
Steinfurtensi, Professore celeberrimo, Philoso-
pho acutissimo, p. t. Pro-Rectore Magni-
fico, Promotore ac Fautore suo
plurimum observando, co-
lendo.

Exercitationis ergo, publico subicitur examini,

JOH. IACOBUS WAGNERUS. Tigurinus A: & R.

Ad diem Ianuarij loco horisque solitis.

Dno Hornero.



S T E I N F U R T I,
Typis Cornelij Wellenberg, Gymnasij Typographi.
M. DC. LXI.

A510729

V I R I S

Excellentissimis, Experientissimis, Doctissimis,

D. JOH. RODOLPHO GIGERO, Medicinæ Doctori experientissimo, Physicæ Gymnasii Patrii Professori clarissimo, Collegij Carolini Præposito dignissimo, Præceptor ac Fautori maxime de-
nerando.

D. JOH. HENRICO HOTTINGERO, S. S. Theologiæ Doctori, ejusdem, nec non Orientalium Linguarum, in Illustriss. Heidelbergensi Acade- mia, Professori celeberrimo, Collegij Sapientiæ E- phoro vigilantissimo, Senatus Ecclesiastici Assessori meritissimo, Hospiti ac studiorum suorum promo- tori gratiosissimo.

D. JACOBO ZIEGLERO, Medicinæ Doctori excellentissimo, Avofuo, eâ qua par est observan- tia, dum spiritus hos reget artus, colendo, amando.

D. JOH. HENRICO HEIDEGGERO, S. S. The- ologiæ Doctori, ejusdem, ut & Historiæ Sacræ, in Illustriss. Arnoldino, quod est Steinfurti, Professori dignissimo, Co- gnato ac Hospiti suo, nunquam non venerando.

D. CHRISTOPHORO ZIEGLERO, Medicinæ Doctori clarissimo, Illustriss. Reipubl. Bernensis Poliatro celeberrimo, Avunculo suo dilectissimo.

D. EMMANUEL HURTERO, Medicinæ Do- ctori Illustriss. Reipub, Scaphusianæ doctissimo, Cognato suo perpetim honorando.

Exercitationem hanc Philosophicam

In grati animi munusculo,

Honoris ac amoris testimonio,

Uterioris favoris operâ,

D. D. D.

Johannes Iacobus Wagnerus. Auctor & Resp.



Quaestio.

UTRUM SONUS CAMPANARUM TEM-
PESTATES DEPELLERE QUEAT?

EX innumera errorum congerie, varijsque super-
stitutionibus, Sathanæ artibus conflatis, Gentilibus
traditis, inque Papatu deinceps etiam receptis, hæc
quoque hac perversissima incruduit tempestate, ut so-
no campanarum, imminente gravi aliqua tempestate,
aëris crassiores vapores, fulmina, fulgura, spectra quin-
etiam dispelli posse existiment. Hujus rei falsitas &
turpitude ut in apicem proferatur, ac omnibus pate-
scat, methodice nobis est procedendum.

In præsentia igitur quaestione tractanda, ipso in
limine, considerandum quaestionis propositæ tum
subjectum, tum *predicatum*, occurrit. *Subjectum* in
verbis: *sonus campanarum*, consistit. *Sonus* autem,
apud Physicos, est *qualitas*, ex percussione aëris, inter
duo se invicem vehementer collisa corpora, orta, quæ au-
ditum nostrum ferit. In definitione nostra, genus so-
ni, *qualitatem* statuimus, & quidem *qualitatem*
passivam, non quod *subjectum*, cui inest sonus,
quicquam ab illo patitur, sed quia passionem in no-
stro efficit auditu. Addidimus: *ex percussione aëris*,
inter duo se invicem vehementer collisa corpora, orta.
Ut enim fiat sonus, duo polita ac solida corpora,
A 2 quo-

quorum alterum sit percutiens , ut pistillum, alterum vero percussum , ut campana, requiruntur. Cum autem duo corpora se invicem percutere nequeant, nisi per aliquod medium, ideo aër intercedit , qui passionem hanc suscipit , & ita sonus oritur. Postquam vero aër percussione sustinuit, fit motus in aëre. Motus hic longe lateque sese dissipat , in eum ferme modum, quo videmus lapillum, in aquam injectum, undas circulares, alias post alias excitare, quem motum quidam undulationem appellare consueverunt ; hac undulatione, á vero haud longe distitum videtur, sonum, durante aëris motu ad maximam distantiam propagari, ac ad aurium nostrarum pervenire concavum per hosce aëris gyros, atque hic ad tympani pelliculam & aërem interiorem allidi ; qui alterum est auditus medium. Nam ut aër exterior pulsatur á collisione corporum solidorum : sic interior hic ab aëre exteriori percutitur, ac imaginem soni externi intus excipit, ossiculorum trium mallei, stapedis & incudis, interventu. Denique per anfractus angustos seu labyrinthum, ad intimum cochleæ recessum ac basin nervi auditorii deferitur, quo specie perlata, auditio exurgit.

Vocis Campanæ originem deducunt á voce *Campania*, Provincia Galliae, quæ nomen ab ingenti planitie, seu campis adeptæ est. Ibi enim repertas esse plerorumque est sententia, quod tamen incudem veritatis sustinere vix potest. *Thalmudista*
Cam-

Campanam, nolam ac tintinnabulum *אין* appellant. *Chaldaei* נקש ונקישות quod concutere se invicem, pulsare, collidere, significat. *Hebraei* Campanam vocant *תקע* á percellendo mutuis vicibus, quodque hinc inde attactum, pistillo suo edat sonum. Deducitur autem á *תקע* per vices egit, agitavit vices, vicissitudine percussit. Germanis dicitur *Bloß*, vel *Bloß*, quod nomen fictitium, á sono per *ὀνομαστικόν* factum; qua ratione *Latini* etiam utuntur vocabulis, á sono desumptis, ut taratantara, bombardatintinnabulo. *Latini* Campanam *Nolæ* nomine etiam insignivère, á *Nola*, *Campaniæ* urbe appellata, juxta plerorumque opinionem. Quandoquidem autem campana pro illo etiam usurpetur instrumento, quo janua pulsatur; *ἐν τῷ πυλῶνι* pro eo nos accipimus instrumento concavo, ex metallo conflato, quod ad distinguendas horas, publicos indicandos actus, pulsatus est idoneum.

Hic ab instituto nostro haud erit alienum, in eam inquirere sententiam, quando campanæ sint inventæ? Plerique Authores in ea sunt opinione, *Paulinum Episcopum Nolanum*, qui circa seculum V, salutaris *ἐν αὐθροήσιν*, vixit, harum esse inventorem. Verum eas ante ipsum compertas ac in usu fuisse, probatu non est difficile. Ac primum auctoritatem *Iosephi Antiq. Judaic. lib. 3. in medium*

roferimus, qui, referente *Polyd Virgilio, de Inventi-*
crum l. 3. c. 18. Mosis temporibus, earum usum fuisse,
 testatur. *Thucid.* huic etiam calculum addit suum,
 cum *lib. 4.* apud *Græcos vigiles in custodiendis civitatis*
muris, tintinnabulis usos fuisse, asseverat. Quinetiam
Iuvenii carmina id affirmant, exque iis colligi po-
 est, cum *Epist. 25.* hunc in modum canit;

Cymbala dant fluctu sonitum, dant pulpita saltu
icta pedum, lentis reboant cava tympana tergis.
Isiacos agitant Mærotica lистра tumultus,
Nec Dodonæi cessat tinnitus æani
in numerum quoties radiis ferientibus ictæ,
Respondent dociles moderato verberare pelves.

Accedit testimonium *Porphyr. lib. IV de Absti-*
nent. qui ex *Bardeſane, viro Babylonio,* scribit. Itaque
tintinnabulo signum dante omnes in domum properant,
ex qua bona pars Samaritanorum non egreditur, reliqua
precibus occupata. Vbi vero preces absolute, rursus
tintinnabulum pulsatur. Ex his satis comprobatur,
 Campanas ante *Pauleni* tempora fuisse inventas; ad-
 eoque probabile, magisque veritati conveniens est,
Paulinum, qui sanctimoniâ vitæ fuit spectabilis, *Gen-*
tilium ritus correxisse campanasque ad sacrum usum
 contulisse, ut remotiâ Templo, eo vocarentur. Pri-
 mus autem earum Author nos latet. Restat *pradica-*
tum.

Tempestates aliæ sunt naturales, aliæ præterna-
 turales seu prodigiosæ. *Præternaturales* tempestates
 eas vocamus, quarum causa naturalis reddi nequit;
 seu: quæ præter communem rerum ordinem fiunt, ac
 qua-

7.

quarum causæ soli divino patent Numini ; ut cum locustæ, anates ac anseres pluunt, quomodo in *Croatia* contigisse, *Ioh. Leonclavius in Annales* ad annum 1587. oculatus commemorat testis. Item, cum lacte; sanguine, ferro; lapidibus; carnibus pluit, quales pluvias *Livius Lib: III. XXI. XXVI. &c.* contigisse, asserit. Tales nonnullas mirandas pluvias quoque apud *Doctissimum atque Experientissimum Medicum ac Philosophum, Dr. Jac. Zieglerum, Avum meum omni obsequii genere, æviternum colendum*, in eximio suo, de *Fermentatione*, tractatu, cap 15. pag 37. videre licet. Naturales sunt, quæ ex causis naturalibus constant, exque pro causarum naturalium requisito, contingunt. Harum vero aliæ sunt *periculose*, aliæ *minus periculose* : Illæ; cum tonitru ingruit, ac lurida cœlum atraque contectum nube, fulmine coruscant; jaculis igneis, crebrisque ignibus æthera micant, turbines procella, grandines ovorum magnitudine cum impetu irruunt ac decidunt; arbores, vineas atque segetes vastant. Hæ, sunt ventus, pluvia, imber, nix; quæ tamen quandoque etiam impetuose irruunt, magnumque damnum inferre possunt.

Prælibatis hætenus iis, sine quibus ad quæstionem principalem pervenire non licuit: restat, ut κεφαλαίως εἰς αὐτὸν καὶ κυρίως διασπείνωμεν. Quæritur ergo: Vtrum sonus campanarum ac tintinnabulorum ingruentem tonitruum ac fulminum tempestatem, pruinas item, nec non Spectra ac Diabolum depellere ac abigere queat?

Apud Pontificios hæcce inolevit opinio, sonus

con-

campanarum aëris crassiores vapores , fulmina, fulgura, pruinas , imo ipsum Diabolum dispelli posse. Propterea institutum à *Iohanne, Romano Pontifice*, ejus nominis xiv. ut baptizarentur campanæ , & baptizatis nomina darentur, prout ipsemet majori campanæ *Lateranensi* nomen imposuit. Quin et paulatim in Ecclesia irrepsit ut ex veteri Legenda liquet, & accessit hæc superstitio, quod nimirum tincti, aris sonitu fugetur Diabolus, præveniantur fulminum ictus &c. quod testatum dederunt *Centuriæ Magdeburg. Cent. X. cap. 6.* Confer. *Bellarmin. de Rom Pontif. l. 4. c. 12.* Ita quoque testatur *Martin. Delrio, Disquis Magic. l. 6. c. 2. sect. 2. quæst. 3.* Docet experientia quotidiana, Dæmonibus sonum campanarum adeo infestum ac inimicum esse, ut ab iis, excitata tempestates vel ingruentes impediantur, vel jam ortæ sedentur & alio avertantur. Accedit *Durandus, Rational: lib. 1. c. 4.* qui campanas ideo pulsari commemorat . ut per tactum & sonitum fideles invicem invitentur ad primum, & crescat in iis devotio fidei, fruges mentes, & corpora credentium serventur, procul pellantur hostiles exercitus, & omnes infidie inimici, fragor grandinum, procella turbinum, impetus tempestatum & fulgurum temperentur ; infestaque tonitrua, & ventorum flamina suspendantur, spiritus procellarum & aëreæ potestates prosternantur &c. Tales sexcentas campanarum virtutes ibi recenset, quas hic recensere brevitate ergo superledemus,

Nos quidem diffiteri non possumus , sonum, quippe subtilius quid & spirituale, aërem facile penetrare , proximum aërem campanarum complosu

mo;

moveri, ac aliquantum infringi: verum quod fulmina, pruinas, spectra, Diabolum arceat, ac in fugam convertat, negamus ac pernegamus. Imo pertendimus hoc omni adversari rationi, & tanquā supersticiosū ac à Gētilibus haustū, cēseri debere, itaq; sequētib; sentētiā Pontificiorum, infringimus Argumētis.

I. In omni actione transmutativa, seu. Inter omne agens & patiens aliqua debet esse proportio, ita ut, quemadmodum illud vim habet agendi, ita hoc vim habeat patiendi. Sed qualis quæstio est proportio inter sonū campanarū & nubes, cū nubes in media aëris regione existentes, à campanis ac tintinnabulis sonum edentibus, pro locorum diversitate III. V. X. & ultra miliaribus distent? Posito vero, sonum aliquantis per agere, attamen ad tantam distantiam, sphaeram suæ activitatis extendere nequit, cum paulatim vires ejus comminuātur, atq; adeo amittat. II. Si sonus campanarum posset fulmina ac tonitrua profligare, ū debilius posset agere in validius. Sed falsum consequēs. Ergo & antecedens *Consequentia proposita* probatur, quia fulminea materia, ex vaporibus calidis, oleaginis ac sulphureis constans, à sole in sublimē evecta, in nube densa comprehensa ac intercepta, eiq; involuta, magis magisq; premitur ac coarctatur, inq; unū ob ἀντιστοιχίαν cogitur. Soni vero vis atq; efficacia neutiquā tanta est, ut hanc horrendā nubis molē pervadere, multo min⁹ eā alterare, ac ex integra aliqua regione abigere queat. Quod vero consequens sit falsum duabus probamus rationibus; altera quidem est, quod omnis actio respectu patientis dependet à victoria agentis. Hinc Axioma Physicum. *Omnis actio est à prevalentiore*, seu

B

ut

ut Scalig. effert: *Actio fit à valentiori.* Altera vero est, quia *Uniuscujusque rei operatio non potest sese exercere ultra suum posse, vel Quod quid non habet, alteri dare nequit.* III. Si sonus campanarum pruina ac grandinem avertere potest, tum æque nivem avertere omnem potest. *Sed falsè conseq.* Ratio consequentiae est manifesta, quia grandinis, pruinae ac nivis, eadem est causa efficiens & materia. IV. Cur non potius tonitruum, qui horribilis sonitus, sonum campanarum multis parasangis superat, vim depeilendi fulmina, adscriberent? Argumentum est ad hominem. V. Si ea vis soni campanarum, tum omnes Papicolæ, ad quarum aures talis vis pervenit, à percussione fulminum; incurfione turbinum, calamitate tempestatum & Diaboli essent securi; sed quid sit contrarium? cur apud ipsos æque ac apud alias Gentes, quæ campanas in sonum non dant, tempestates excitantur? cur turres frequenter hinc inde à fulminibus petuntur? cur à Diaboli insidiis non sunt tuti? Imo magis etiam invaduntur & torquentur, ut in obsessis & possessis illorum, à malis spiritibus, cotidie apparet? VI. In omni actione, ut sit aliqua mora, quo agens, subjectum recipiens ferire queat, est necessum. Sed in sono campanarum nulla est mora, quo nubem ad mugitum sese præparantem ferire possit. E. *Major patet*, quia finita potentia non aliter quam successive agere potest, & n si mora aliqua iusta actioni concedatur, sed ea in instanti seu continenti fiat, effectum sortitur nullum. E C. Pruna, si in continenti manui vel corpori iniiciatur alicui, damnum infert nullum, sed inviolatum

tum permanet. Nec manum ufferis, si subito per
 flammam moveris. *Min prob:* Quia sonus campana-
 rum ultro citroque diffatur, in auras abit, ac cito eva-
 nescit VII. Nulla qualitas patibilis cadit in spiri-
 tum. Atqui sonus campanarum est qualitas patibi-
 lis E. *Maiorem propos.* duabus stabilimus rationibus.
 Altera est, quia illud, quod qualitatibus patibilibus est
 capax, tale est potentia, quale agens est actu. U. C.
 Si corpus est calidum actu, spiritus talis esse debet
 potentia, id est, ut incalescere posset. Altera vero
 est hæc: Quicquid patibili agit qualitate, id ideo
 agit, ut hoc, in quod agit, reddat sibi simile. U. C. Si
 calidum agat in corpus, ideo in id agit, ut incale-
 scat. Atqui hæc absurda sunt, hac enim ratione,
 spiritus corpus evadere posset; si etenim fieri pos-
 set calidum quid actu, eo ipso quod hæc recipe-
 ret qualitates, esset corpus, cum hæc qualitates sint
 corporum. *Minor autem propositio*, quod sonus
 campanarum sit qualitas patibilis, supra jam ostensa
 ac probata. VIII; Si sonus, qui est qualitas patibi-
 lis, ageret in Dæmonem, tum corrumpere eum; nam,
 quicquid agit, id ideo agit, ut corrumpat priorem for-
 mam, & patiens sibi simile reddat. Si corrumpere-
 tur, esset alterabilis. Quod est alterabile, illud est
 mortale, adeoque Dæmon & consequenter omnes spi-
 ritus essent mortales, quod *æd. p. p.* Adde. Si Diabo-
 lus corrumpere, compositus esset ex qualitatibus
 alterabilibus, atque sic etiam corporeum esse, concedi
 oportebit. IX. Quod vero *Durandus* campanis hanc
 vim tribuat, *ipsarum tactu & sonitu infidelibus, deo-*
 tionem

tionem fidei crescere, fruges mentes & corpora credentium
servari, miror qua fronte hæc proferat, quæ fide id
à Deo peti possit? Sane impietate summa sententia
hæc Durandi non vacat.

Quod si ab Adversariis quaeras, undenam sono
campanarum hæc sit vis? Responsum tenebis à Mar-
tino Delrio, *Disq. Magic. lib. VI. cap. 2. sect. 3. quest. 3. Ef-*
fectus illos, inquit, non tribuimus formæ, seu arti, vel na-
ture metalli. Non obtusa adeo Catholici pectora gesta-
mus, nec sol veritatis ab Ecclesia tam procul aversus, ra-
dios suos elongavit. Non asserimus quod Petr. Mexia (in
Silvæ variar. lect. lib. 2. cap. 9. discuti h. is procellas vò-
seritus aërem dissipantis. Tribuimus ergo vim efficien-
tiam, quæ omnem consecrationi seu benedictioni, sic divino
jussu seu dispositione operanti. Servinequam Dæmones
hunc sonum, quasi Dei vivi imperantis fugam agnoscunt
præconium. Audiendus etiam Durandus, ante citati loci
num. 15. Causa, ait, quare Ecclesia videns concitari tem-
pestatem, campanas pulsat, scilicet ut dæmones tubæ æ-
terni regis id est campanas audientes, territi fugiant, &
à tempestatis concitatione conquiescant. Verum respon-
demus, 1. Hoc esse fictitium, & purum putum comen-
tum Ubi in Sacro Codice de divino jussu & disposi-
tione benedictioni creaturarum concessa, ut talia effi-
cere queant, aliquid extat? Prohent prius voluntatem
divinam, primo de pellendis Dæmonibus à consecra-
tione seu benedictione; deinde per campanas, seu a-
liam aliquam creaturam. Negry quidem proferre
possunt. 2. Reponimus, optimam ac ordinatam ratio-
nem avertendi regnum Sathana, esse & Scripturam:
attamen Diabolum sacras literas non averlari, in eas
le-

legere, indeque fallibiliter (uti ipsius fert mos) eum argumentari, ut ex colloquio ipsius cum Domino Christo, Servatore nostro, *Matth. cap. 4* constat. 3. Si vel extremis labris *Durandus* Philosophiā gustasset, non tam audacter assereret, tempestates à Diabolo excitari 4. Quid? quod ipsi majestati divinæ injuriam inferat *Durandus*, cum S. Scr. tempestatum authorem Deum, non Dæmonem esse testetur. Ita enim Hieropsaltes *Psal. xviii. 14. 15.* inquit *Et tonavit in cælis Dominus, & altissimus dedit vocem suam, grando & carbones ignis. Et misit sagittas suas, & confregit eos. & fulgur aiecit & perdidit eos. Fulmina q;* *Psalmo xcvi. 4.* dicuntur ignis Dei: *illuminarunt* פקדו פקדו פקדו *fulgura ejus orbē.* Adde quod *Iob. xxviii. 26* dicatur, *Deum facere viam coruscationi fulminum.* Sed & *Zachar. x. 1.* legas! יהוה עשׂה ברק דבריהם *Dominus faciens fulgura* 5. Fœdus hic error fuit Priscillianistarum, quando fulmina Diaboli opus, nō divinū, arbitrantur. Quem errorem iure concilium *Braccarense* primū in cap. viii. damnavit. Verba ejus, ut ex. inde doctissimus *Vossius, Theolog. Gentil. l. iii. cap. 6.* retulit, ita tonant *Si quis credit, quod aliquas immundas creaturas Diabolus fecerit. & tonitrua, & fulgura, & tempestates, & siccitates, esse diabolus autoritate sua facit, sicut Priscillianus dixit, anathema sit.* 6. Baptismus iste sive consecratio campanarū est nefandus, ac abominandus Sacramenti Baptismi, à Christo instituti, abusq; & summa idololatria; temere nomine Dei abutūtur, dū ad opinionē falsā hominibus imprimēdā, id usurpant. Sic autē sese habet formula consecrationis. *Conse + cretur & sancti + fectur, domine signū istud in nomē Pa + tris, & Fi + lii. & Spiritus + sãcti. Pax tibi.*

Excipiunt *Cardinalis Bellarm: De Rom: Pontif: IV. c. 12. & Mart. Delrio, Non baptizari nolas sed eas tantum benedici.* Addit hujus rei rationem *Delrio: Benedicuntur, ut fragore suo spirituales hostes terreant & repellant, quid superstitiosi? Nomen illis in beatitudine cuius honorem imponitur, ut illius quasi commendetur tuncle vas metallinum, divinae laudis instrumentum, quid dignum reprehensione?* Sed nullius hili vel pili hæc est exceptio. 1. Posito, sed non concessio, iis tantum benedici, non baptizari, nullum tamen in S. Pandectis extat mandatum, ut creaturis benedicamus; cum ex Dei creatione, jam ante sint bonæ. Ergo benedictio hæc Deo placere nequit, adeoque est superstitiosa ac inutilis. 2. Negamus eos non baptizare campanas, nam si rem diligentiori trutinâ perpendamus, satis superque patebit, omnes ceremonias, quas benedictioni campanarum tribuunt, easdem etiam S. Baptismati competere, adeoque meram ipsius esse profanationem. Probamus hoc: Campanæ ab Episcopo vel Suffraganeo benedicuntur, adhibentur compadres qui fortuna ac divitis possunt; aqua lustralis, sal, oleum, sputum, chrisma applicatur, exorcisatur, nomen campanæ imponitur; aqua perfunditur; consecratur in nomen Patris, Filij & Spiritus S. precibus, lectione psalmorum ac Evangeliorum, Deo vel alicui Sancto commendatur. Quis autem est, nisi *Teresia* sit cœcior, qui hinc non colligat, eandem esse rationem benedictionis campanarum, quæ est baptismi infantis? Imo, quis non cernit, majori apparatu, majoribus precibus, benedictionem perfici

fici, quam si infans sacro Baptismatis fonte tingitur? Hæc putidam ac crassam S. Baptismi profanationem! 3. *Bellarmino & Delrio Durantium* opponimus, qui de *ritibus Ecclesie* l. 1, c. 12. Baptismi nomen haud averfatur, cum satis sibi fuerit conscius rem ita sese habere, si in hæc verba erumpit. *Baptizantur campanæ, formula vero baptizandi sive benedicendi antiqua est.* Cui tamen perperam *Bellarmino & Delrio* larvam imponere conantur, dicendo: *Non baptizantur, sed tantum benedicuntur.* 4. Imo temeraria hæc est benedictio, neque Pontificiis hæc competit potestas. Nam: illi soli competit potestas instituendi signa, ad significandos effectus spirituales, qui talia effecta præstare potest. Atqui homines talia effecta præstare nequeunt. I. *Major propo.* patet ex re Sacramentaria. *Minor prop.* est in confesso. 5. Mera committitur petitio principii, quia aliquot Argumentis jam ante probatum ac ostensum, nullam qualitatem in spiritus cadere posse. 6. Ridiculum ac ludicrum campanæ Beati alicujus nomen imponere; falsissima etiam hic late hypothesis: Beatos nimirum esse omniscios; quæ controversia, cum ad forum Theologicum pertineat, ne nos falcem alienæ immittamus messi, ideoque Adversarij illuc sunt ablegandi.

In medium quin etiam *Delrio* quædam exempla profert, ex quibus probare conatur, Diabolum à sonitu campanarum fugere. Verum, ut patris mendacij simulandarum imaginum callida operatio, decipiendis humanis sensibus multiformis in-

vigil

vigilat, ita ut pleboculæ etiam dementet miseræ mē-
tem, inque ea sententia ac opinione perseveret,
campanæve talem inesse vim, penitus sibi persuadeat,
ad earum sonum alacer prompteque secedit ac auf-
fugit, ut ita animas a salute abducatur, fidem in Chri-
stum omnimode extirpet atque Dei gloriam abo-
leat.

Denique ex his allatis colligimus, quod Pon-
tifici tonante cœlo campanarum boatu perstre-
pant, & spectra abigere posse sibi persuasum ha-
beant, id ab Ethnicis, frementelicer ac negante
Delrio, hausisse, & ex pura puta superstitione, hac
in parte, ipsos Paganos sequi. Ridicule enim in-
sensati existimabant Pagani, quoties Luna ex ordi-
nario deliquio deficiebat,

Atque texit mœstam nigra ferrugine frontem,

Lunam laborare, idque ob incantamenta,
carmina magica, ipsumque Diabolum, qui hæc per-
petrent, ideoque ut hæc prohibeant ac arceant,
æris pulsu ipsi subveniebant, quem credebant
κατὰ πόνον καὶ ἀπελαστικόν τῶν μισοματῶν uti patet ex
commentat. *Apollonii lib; IV.* Idem testatur *Alex:*
Aphrodiseus in probl. 43 l. 2. si ait. In usu fuisse æris
sono melos spiritus develli, eamque ob rem in Luna de-
fectu æra moveri. Hinc etiam *Stacius l. VI. Thebaid p.*
125. canit.

— attonitis quoties avellitur astris
Solis opaca soror, procul auxiliantia gentes
Æira crepant, frustra que timent.

Ad stipulatur huic *Livius l. xxv c. 5. Disposita,*
ait,

ait, *in miris Campanorum imbellis multitudo cum arie
sre pitu, qualis in defectu Luna sileat nocte cieri solet.*
Quinetiam *Apollodorus in libro quem de Diis inscri-
plit, refert, Hierophantem, id est, Proserpinae Sacerdo-
tem, tintinnabulum tonante celo Athenis pulsare con-
suevisse.* Videatur quoque *Tacitus Annal. lib: 1.* Hinc
evidenter patet, ac satis superque innotescit, ex
quibus lacunis Pontifici hanc opinionem hauserint.
Suo sese indicio forex palam prodit. Ac proditum
quisvis, cui verialiqua est cura, videt. Hoc ipso-
rum præcipuum est fundamentum.

Stat igitur sententia, plane anile ac superstitio-
sum esse, ad jacula ignita, tempestates item, procel-
las, grandines, tonitrua avertenda; ad Diabolum
omnesque ipsius tentationes ac infidas depellendas,
ad campanarum ænearum sonitum confugere, harum
in fidem ac receptaculum potius confugere, quam
flexis genibus à Deo devote expetere, ut hæc aver-
tat; cum ibi, ubi preces cum fide conjunctæ, Spiritus
S gratia præsto adsit, in fugam vertantur Dæmo-
nes, omnisque adversa potestas fugiat, recedat, ac op-
primatur; si grassari eam Deus permittat, & homini-
bus detrimento esse, illud omne fidelibus in bonum
vertat, *Rom. VIII.* Impiis autem & pœnitere nesciis,
vel gradus ad pœnitentiam struatur, vel Nemesis &
vindictæ Divinæ flagello illi percellantur.

Additamenta ex universa Philosophia desumpta.

EX Philos. Gener. Pestis est superstitiosa illa quorundam Philosophorum admiratio, quorum omne iudicium ex aliorum autoritate tantum dependet, mancipia & servi aliorum esse malunt, quam ut ipsi libere philosophari velint, & donis à Deo sibi concessis, ipsi uti.

2. Logica Sicut cognati conveniunt sanguine, sic conjugata significatione.
3. Incertam hanc definitionem Angelicenses: Angelus est homo incorporeus.
4. Metaph. scire Avicenna l. VIII. Physic. 3. dixit: Qui primum hoc principium negant: Quodlibet est, aut non est, non esserationibus defatigandos, sed igne tamdiu torrendos, quoad confessi sint, non idem esse urri & non uri.
5. Stolidissime Manichæi summum aliquod malum statuerunt principium.
6. Physica Cælum esse coloratum, nemo nisi male coloratus Philosophus dixerit.
7. Lunati i plane censendus esset cerebri, qui negaverit, Lunam ac reliqua astra ad nos admirandorum operum effecta, non transnittere. Impius vero, contra, in animum quoque nostrum operationes excrecere suas qui affirmaverit.
8. Pneumat Falsa eorum est assertio, qui Angelos in locis puncta esse, pronunciant.
9. Anima rationalis est revera forma hominis infor-

mans, q: icquid alii obstrepant,

10. Opus. Qui affirmant sensus, organo ac medio be-
i. c. disceptio, & objecto non precul distante, falli posse,
neque ipsorum iudicio esse credendum, ut instituatur
rationibus, non merentur.
11. Colores non inter primarium, sed secundarium vi-
sui objectum iure referuntur.
12. Astronon! Fatuum esse Fatum Astrologorum asse-
rimus.
13. Quod quidam rugati sunt de Intelligentijs, quae as-
sistant orbibus caelestibus tanquam firmæ, est à Philoso-
pho, ac Sacra repugnat Scriptura.
14. Honor neque improbo, neque etiam ab improbo defer-
tur.
15. Nequissime Pharisei, Donatista ac Stoici statuunt,
aulo Xerpiar, rem viro sapiente maxime dignam esse.
16. Ueconom. Qui propter molestias à conjugio ab-
horrent, educationemque scholis fastidiunt, peccant in
charitatem.
17. Mulieres illa, quae alendis fovendisque suis foetibus
nihil operam impendunt, sed eas alijs committunt, fe-
rocitate brutas pecudes superant.
18. Politica. Non est, ut omnes Nationes, Iurispruden-
tiam recipere debeant Romanã.
19. Nequaquam omnis confiscatio bonorum, quae ob cri-
men laesa Majestatis patratur, instituitur, est licita.



ACCLAMATIO AD RESP.

Nolarum sonitus numquid succurrere possit,
 Tempore tonitruum, nos docet ille satis
 Noster amicus, vim naturæ qui bene novit,
Wagnerus præsens, egregius genere.
 In Studijs *Wagnere* tuis haud pergere cessa,
 Quo patriæ prolis opibus ingenij!

Ita accinuit Populari suo dilectissimo

IOH. HENRICUS WIRTZ, Nobil: Tig:
 Pol: Stud.

A L I U D.

Coea superstitione, tenebrose filia mentis
 Dogmata fœdavit Fidei Papalistica pridem.
 Nempe Deo nostras cum non substringimus aures
 Ingenii contra sequimur figmenta & abortus
 Nost i, quis gliscit finis, quæ meta malorum?
 Sic *Wagnere* doces, flos illibate Iuventæ,
 Contra vim sonitum nil tintinnabula posse,
 Præsidij in *Ratione* nihil, mendacia cruda
 Pingere commentum. Belle! Punctum omne tulisti.
 Agnoscet quondam Virtutem Patria tellus,
 Cum tribuet laudem, cum Te pharus alta micabit!

*εὐχόας hocce ἀνίστημι & monumentum D. Resp.
 doctissimo, Conterraneo suavissimo adjecit*

IOH. RODOLPHUS SIMLERUS. Helv. Tig:

